



Broj: 02-11/5-2275/25
Velika Kladuša, 11.07.2025. godine;

Na osnovu člana 43. Statuta Općine Velika Kladuša ("Službeni glasnik Općine Velika Kladuša", broj: 12/11), a u vezi članom 25. Odluke o izvršavanju Budžeta Općine Velika Kladuša („Službeni glasnik Općine Velika Kladuša”, broj: 9/24 i 9/25), a u skladu sa članom 3. i 4. Pravilnika o uslovima, načinu i kriterijima za dodjelu sredstava vjerskim zajednicama iz Budžeta Općine Velika Kladuša, Općinski načelnik raspisuje:

JAVNI POZIV
za dodjelu sredstava vjerskim zajednicama iz
Budžeta Općine Velika Kladuša za 2025. godinu

I. PREDMET JAVNOG POZIVA

Predmet Javnog poziva je dodjela sredstava vjerskim zajednicama iz Budžeta Općine Velika Kladuša za realizaciju projekata i aktivnosti iz oblasti građevinsko-zanatskih radova, kulturno-vjerskih manifestacija, režijskih troškova i drugih srodnih aktivnosti.

II. PRAVO UČEŠĆA

Pravo na dodjelu sredstava imaju vjerske zajednice koje:

- Imaju sjedište ili izgrađene vjerske objekte na području Općine Velika Kladuša;
- Izuzetno, i one vjerske zajednice koje nemaju sjedište u općini, ali su od značaja za obavljanje vjerskih obreda lokalnog stanovništva.

III. NAMJENA SREDSTAVA

Sredstva se mogu dodijeliti za:

- Građevinsko-zanatske radove, sanaciju, rekonstrukciju ili dogradnju vjerskih objekata;
- Organizaciju vjerskih praznika, manifestacija, tribina, okruglih stolova, te drugih kulturno-vjerskih događaja;
- Režijske troškove (uz dostavljanje godišnje projekcije po stavkama);
- Štamparsko-izdavačke i prevodilačke aktivnosti.

IV. VISINA SREDSTAVA

Ukupan iznos sredstava obezbjeđen u Budžetu Općine Velika Kladuša, iznosi 20.000,00 KM, budžetski kod 614319-2 tekući transferi vjerskim zajednicama.

Maksimalan iznos sredstava po pojedinačnom zahtjevu iznosi: **2.000,00 KM.**

Raspoloživa sredstva biće raspodijeljena procentualno u skladu s udjelom vjernika po posljednjem popisu stanovništva, uz minimalni udio od 10% za svaku vjersku zajednicu.

V. POTREBNA DOKUMENTACIJA

1. Zahtjev na propisanom obrascu (dostupan uz ovaj poziv);
2. Detaljan opis projekta sa predmjerom i predračunom radova;
3. Za manifestacije – projektna dokumentacija (naziv, cilj, aktivnosti, budžet, mjesto i vrijeme realizacije);
4. Za režijske troškove – godišnja projekcija po komunalnim uslugama;
5. Bankovna potvrda o broju računa;
6. Izvještaj o utrošku sredstava iz prethodne godine (ukoliko su ranije koristili sredstva iz Budžeta Općine).

VI. NAČIN I ROK PRIJAVE

Zahtjeve na propisanom obrascu sa svom potrebnom dokumentacijom podnose vjerske zajednice, te ih dostavljaju Službi za upravu, društvene djelatnosti i zajedničke poslove putem protokola Općine ili putem pošte na adresu:


*Općina Velika Kladuša
Služba za upravu, društvene djelatnosti i zajedničke poslove
ul. Hamdije Pozderca br. 3
77 230 Velika Kladuša*

sa naznakom:

**„PRIJAVA NA JAVNI POZIV
za dodjelu sredstava vjerskim zajednicama iz Budžeta Općine Velika Kladuša za 2025. godinu
- NE OTVARAJ“**

Za sve dodatne informacije možete se obratiti lično u Općinu Velika Kladuša ili putem telefona +387 (0) 37 770 030, kontakt osoba: Jasmin Šahinović.

*Obradivač Pomoćnik načelnika:
Jasmin Šahinović, mag. pol.*



Prilog:

- Prilog 1 – Zahtjev za dodjelu sredstava,
- Pravilnik o uslovima, načinu i kriterijima dodjele sredstava vjerskim zajednicama iz Budžeta Općine Velika Kladuša;

Dostavljeno:

- Web stranice Općine Velika Kladuša, i
- A/a.